

卷〇七五〇六 倉字  
卷〇七五〇七 倉字

永樂大典

# 永樂大典卷之七千五百六

十八陽

## 倉

洪武正韻千剛切。藏穀廩。又姓。古有倉頡。又倉氏。漢文有倉頡。又倉後。又倉庚。鳥名。又倉卒。匆遽貌。又與蒼同。月令。駕倉龍。與蒼同。月令。

說文。倉。穀藏也。倉黃。取而藏之。故謂之倉。从食省。口象倉形。倉。从食省。口从倉。七剛切。全奇字倉。徐鍇通釋。穀熟色蒼黃也。口音常。初色蒼黃也。口

## 王篇

且郎切。倉庾貯也。全卷並古文倉字。又聰將切。宋重修廣韻亦官名。

齊職儀曰。大倉令。周司徒屬官。有廩人。倉人。則其職也。釋名曰。倉藏也。藏

穀物也。漢書曰。耿壽昌奏。設常平倉。司馬光類篇。又楚亮切。喪也。鄭樵六

書略倉說文。从食省。从口。會意。郭守正紫雲韻詩。倉兄填芳。初亮反。韻不

收。韓道昭五音類聚。七郎切。蒼色也。楊桓六書統。清母倉。穀藏也。以象其

圓。起之形足矣。復从亼。从良省。注其意。以指之。始明口為倉之形。言其聚

良以藏之也。良。粟米也。全从亼。从巨。巨大也。大亼也。謂穀之多。大亼于此

也。全。金倉。並古文。熊忠韻會舉要。商次清音。又漢有倉氏。庫氏。皆以官為

氏。倪鍾六書類釋。指事。字濤博義。通作蒼。趙諫聲音文字通。倉青岡切。从

倉省。下象倉形。形兼意。借倉猝。匆遽貌。亦借蒼。史記蒼頡。蒼猝皆用蒼。全



季春發倉廩賜貧窮。孟冬穿窬窖修囷倉。管子倉廩實。知禮節。不務地利。則倉不盈。能改齊漫錄倉廩二字。蔡邕月令章句曰。穀藏曰倉。米藏曰廩。雖其義如此。然後世作文者亦未嘗分別而用。如廣韻云。倉有屋曰廩。蓋此意出於邕後也。王禎農器圖譜倉廩皆蓄積之所。古有定制。重民倉也。次而囷京。下而窖窬。世所共作。俱穀藏去聲類也。然又各有切要。以從省便。凡欲儲貯。務儉德者當取為法。至於始終出納之用。尤不可闕。故以嘉量繼之云。又曰。今國家備儲蓄之所。上有氣樓。謂之教房。前有簷楹。謂之明厦。倉為總名。蓋其制如此。夫農家貯穀之屋。雖規模稍下。其名亦同。皆係累年蓄積所在。內外材木。露者悉宜灰泥塗飾。以辟火災。木又不蠹。可為永法。書敘指南倉曰倉廩。史平準。又曰教廩。李晟。又曰京。淳于意。又曰倉序。羅藝。倉廩實。曰京。庾流衍。左思魏都。倉空乏。曰倉無見穀。粟錢乏。曰倉府空。卜式。

**神倉**

禮記月令。歲帝籍之收於神倉。祗敬必飭。注云。天子籍田千畝。故曰帝籍之收。籍田所收之穀也。神倉倉也。歲祭祀之穀於神。

倉重粟盛之委也。

**籍田倉**

禮儀志注漢舊儀曰。種百穀萬斛為立籍田倉。

**太倉**

羅泌路史後紀炎帝神農

氏。豫若天令。正氣節。審寒暑。以平早晚之期。謂人之生。太倉為主。而太倉穀為主。一天下萬物。無以易於穀。於是揉木為耜。撓木為耒。踴窮髮跋荒

野。制晦清。分龍斷而戒之耕。然後六穀。穰以供粢盛。而給軍國。詳本紀。

漢書高帝紀。七年。蕭何治未央宮。立太倉三輔。黃圖太倉。蕭何造在長安

城外東南。文景節儉。太倉之粟。紅腐而不可食。漢書武帝之初。民給家足。

太倉之粟。陳陳相因。漢會要食貨志。西漢武帝之初。國家亡事。太倉之粟。

紅腐而不可食。西漢書百官公卿表。大司農屬官。有太倉。均輸平準。都內。

籍田。五令丞。漢書律歷志。龠合升斗斛職。在太倉掌之。水經注洛陽地紀。

曰。大城東有太倉。倉下運舡常有千計。魏志曰。袁渙為魏國郎中令。及卒。

太祖為之流涕。以穀二千斛。一教以太倉穀千斛。賜郎中令家。一教以垣

下穀千斛。與曜卿家。外不解其意。教曰。以太倉穀者。官法也。垣下穀者。新

舊也。相臺志。臨彰縣在鎮東南七里。魏所置。今其窖尚在。晉志。武帝紀。咸

寧二年。於城東起太倉。於東西市起常平倉。晉咸和中。蘇峻反。王師連敗

績。時太倉惟有燒餘米數石。以供御膳。太倉在苑城內。亦曰苑倉。乾道中。

趙公彥端廣濟新倉記云。圖記獨稱吳苑倉。在苑城內。於晉為太倉。餘無

聞焉。此蓋未考也。洛陽志。河南府太倉。在建春門內。杜預曰。翟泉在太倉

西南南北史北齊司農寺掌倉正統太倉隋書百官志隋司農寺統太倉典廩唐會要德宗正元十四年六月以久旱救貴人流出太倉粟賑給京畿諸縣九月以歲飢出太倉粟三十萬石出糶十九年十月太倉奏請依六典置太倉令二員丞六員監事十員支計官驅使官三人典六人府史六人從之憲宗元和九年四月詔出太倉粟七十萬石開六場糶之并賑貸外縣待百姓秋熟徵納便於外縣收貯以防水旱十二年四月詔出粟二十五萬石分兩街降估出糶長慶四年勅出太倉陳米三十萬石於兩街出糶北京府志太倉在寅賓南薰二坊設監支納一員大使一員副使一員攢典一名洪武四年二月設置其所屬各州縣倉分設大使副使各一員攢典一名唐李義山集太倉箴險哉太倉險若太行彼懸車束馬為陟高岡此禍胎怨府起自斗量無小無大不可不防澄陂萬頃不廢汪汪火烈人畏不廢剛腸曷若寬猛處于中央衆穀之地勿言容易貪夫殉財有死無二御黠馬街不得不利下或諛我過人之聰是人甘言將欲相聲我或誇我秋毫必睹是人甘言將欲相瞞長如欲戰莫捨強弩長如獲禽莫忘縛虎衆人之言有訛有真如彼五味有甘有辛口自嘗取無信他人天生五色有白有黑目自別取無為人惑而况乎九門崇崇近



在牆東。天視天聽。惟明惟聰。問龠合斗斛。何以用銅。取寒暑暴露不改其容。亦象君子介然居中。終日戰栗。猶懼或失。銜用何利。銀之以清。虎用何縛。授之以明。弩用何射。發之以誠。俾後來居上。無由以生。有餘不足。無由以爭。心為準。繫何憂乎。不直不平。各敬爾職。一廼心力。倉中水外。人馬不食。陶母及魚。以之歎息。豈無他粟。豈無他芻。薏苡似珠。不可不虞。倉中役夫。千選萬途。祭點為炭。昨盱為爐。應事成象。無有定模。緣私指使。慎勿以呼。賓朋姻婭。或來燕話。倉中酒醴。慎勿以貫。海翁忘機。鷗故不飛。海翁易慮。鷗乃飛去。是以聖人。從微至著。不遺忠恕。借借貸貸。此門先塞。須防蒼蠅。變白為黑。嗚呼。孰慮孰圖。昔在漢家。倉令淳于。致少上訴。無辜陷身。至是不亦悲乎。敢告君子。身可殺。道不可渝。又地名太倉。蘇州志在崑山縣。抽分竹木場。本處設置。元顧世名梅山集。太倉道中二首。露氣侵衣。月滿舡。夢回依約五更天。枕間聽得鳴鷄犬。知在誰家村上眠。江煙漠漠。暮天昏。且把扁舟繫樹根。欲問村中沽酒處。家家風雨不開門。官名太倉令。見後倉職下。

## 醴源倉

經世大典至元

二十五年。光祿寺屬省部。始置醴泉倉。掌受香芬。蘇門等酒材。糯米鄉貢麴。粳。白粳。成麴。以供上醞。及歲。以賜諸王百官者。秩從六品。置提舉大使。

副使各一負。今定置提舉一負。大使一負。副使一負。此係大都體

源倉。至元二十五年始置。掌受大都轉輸米麴并醞造車駕臨幸次舍供

億之酒。秩從九品。置大使直長各一負。

大使一負。直長一負。此係上都體源倉。

## 常平倉

羅泌路史後紀黃帝桓常審乎

地利以為常平。注地官之職。管云為廩者。於是地獻草木。乃述耕種之利。

漢制叢錄戰國時李悝為魏文侯言。糴甚貴傷民。甚賤傷農民。傷則離散。

農傷則國貧。故甚貴甚賤其傷一也。善平糴者必謹觀歲有上中下熟而

糴。使民適足。價平則止。小飢則發小熟之所歛。大飢則發大熟之所歛。而

糴之。故雖遇饑饉水旱。糴不貴而民不散。取有餘以補不足也。行之魏國

魏國以富強。漢興至宣帝世。大司農中丞耿壽昌請築常平倉。此亦李悝

平糴之遺意也。文獻通考漢宣帝築常平倉。後漢明帝置常滿倉。晉又曰

常平倉。自此後無聞。梁亦曰常平倉。而不糴糶陳因之。後魏大和中雖不

名曰常平。亦各令官司糴貯。儉則出糶。隋曰常平倉。唐武德中置常平監

官。以均天下之貨。市肆騰踊則成價而出。田高豐美則增糶而收。屬類長

之。後省監署。常平署令一人掌倉糧管鑰出納糶糴。凡天下倉廩和糶者

為常平倉。正租為正倉。地子為義倉。事物紀原宋會要曰。淳化三年六月



京畿大穰。物價至賤。遣使于京城四門置場。增價糴。令造倉貯之。名曰常平。歲歉減價以糴。用振貧民。景德三年正月。上封者請諸路皆置。宋朝太子記講義熙寧四年。鬻廣惠倉田。呂中云。為常平本故也。常平所積盡散而為青苗。不惟常平之法壞。而廣惠倉賑濟之意亦壞矣。蘇東坡萬言書曰。常平之為法也。可謂至矣。所守者約。而所及者廣。借使萬家之邑。止有千斛。而穀貴之際。千斛在市。物價自平。一市之價既平。一方之食自足。無操瓢乞丐之弊。無里正催驅之勞。通鑑長編范景仁曰。常平倉始於漢之盛時。賤則貴而歛之。恐傷農也。貴則賤而散之。恐傷民也。最為近古。雖唐虞之政。無以易也。鶴林玉露廬陵羅氏曰。惠民之法。莫善於常平。司馬溫公云。此三代聖人之法。非李惲耿壽昌所能為也。陳止齋曰。周禮以年之上下出歛法。蓋年下則出。恐穀貴傷民也。年上則歛。恐穀賤傷農也。即常平之法矣。孟子曰。狗彘食人食。而不知檢。塗有餓殍。而不知發。檢字一本作歛。蓋狗彘食人食。粒米狼戾之歲也。法當歛之。塗有餓殍。凶歲也。法當發之。由此而言。三代之時。無常平之名。而有常平之政。特廢於衰周耳。真非耿李所能為也。製錦堂見常平義倉本給鰥寡孤獨疾病不能自存之人。每歲仲冬合勒里正。及丐首括數申縣。縣官當廳點視。以給蓋防妄冒。

然里正及丐首藉是以求賂。有賂。非窮民亦得預。無賂。雖窮民不得給。文振初來永豐。時會歲連饑。仲冬。點視丐者給米矣。殆數日出郊。偶見饑餓而狼狽於道者。俱不得預。始榜示諸鄉。許無時自陳。旬日間。携抱輻湊而來者二百餘人。乃真饑餓鰥寡孤獨。疾病不能自存者。始知向以無賂不得給耳。魚由丐首括數而得給者。往往先與丐首約。當給米時。則分其半。疾病孱弱者不能行履。所給或盡為丐首席卷以去。不然亦哀常例。而丐者所得無幾矣。夫丐首強壯亡疾病。一家率數人蠶食於常平。而又強掠如是其弊。可不革哉。要當嚴禁其乞覓不公之弊。遇初冬散榜。令窮民自陳。庶幾常平不為虛設。為政九要公侯之職。隨歲豐儉。所收分科糧另置常平倉。以備凶荒。濟貧之本也。二三分收不科。五分收科三分。六分收至十分。各降一分科。朱子語錄因論常平倉曰。某自典二州。知常平之弊如此。更不敢理會着。南康自有五六萬石。漳州亦六七萬石。盡是浮埃空殼。如何敢挑動這一件事。不知做甚麼合殺。某在浙東。嘗奏云。常平倉與省倉不可相連。須是東西置立。令兩倉相去遠方可。每常官吏檢點省倉。則掛省倉其號牌子。檢點常平倉。則掛常平倉牌子。只是一箇倉。互相遮瞞。今所在常平倉都教司法管。此最不是。少間太守要侵支。使一司法如何。

敢拗他。通判雖管常平。而其職實管於司法。又所在通判。大率避嫌。不敢與知州爭事。韓文公所謂例以嫌不可否事者也。且如經總制錢。牙契錢。倍契錢之類。盡被知州瞞朝廷奪去。更不敢爭。側嶺外代谷常平米斛見存無幾。所在皆是也。廣右諸郡。唯靜江常平米。止支諸司人吏俸米。自餘諸郡。不以軍糧不足。借支不還。則以久不賑發。腐損耗失。軍糧不足而借之所至皆然。非獨廣右。且廣西米斗五十錢。穀賤莫甚焉。夫其賤。非誠多穀也。正以生齒不蕃。倉穀不多耳。田家自給之外。餘悉糶去。曾無久遠之積。富商以下價糶之。舳舻銜尾運之。番禺以罔市利。名曰穀賤。其實無積貯。爾州郡久不賑發。一連遇大凶年。米斗僅至二百錢。則人民已有流離之禍。州縣拱手無策以處之。然則穀賤之果不足恃也如此。若夫以新易陳。在州郡所得為之事。曰歛曰散。曷不於樂歲廣糶以為之備乎。清波陳志常平倫凶荒立法甚嚴。而米斛有以陳易新之條。州郡恃以借兌。先人任信幕。後守不償前欠。一旦漏底。官吏並送鄰州勘鞠。先人亦坐失於催促撥還。科公罪咎不理遺闕。二十年後。因同時生累。該改秩。為銓曹留難。索案至朝廷。時宗袞益國公叅大政。從容見語。近見先文常平伏辯。既不曾僉書。何亦被鞠。輝因言州郡刑獄寬濫。有司以被朝命。雖知不曾着字。

蓋亦行三問。豈容不承。罪及無辜。大率類此。退而思之。先人尚無恙。或陷深文。固可雪理於今日矣。自昔初除執政。例薦所知三兩人。建康王元樞初得政。首以先人名聞。乃自臨安莞庫除江東漕司幹官。見次一倖。屢更使長。皆欲發文字力辭之。竟終於選調。再府元龜去歲有凶穰。故穀有貴賤。今有緩急。則物有重輕。始自列國李悝起平糶之法。至于漢世壽昌建常平之制。裁之得宜。馭之有道。雖復天災流行。水旱作殄。而穀有常價。民無飢色。其後迫於群議。乃從中輟。永平之歲。遵用舊典。市糶益賤。廩庾充積。既而罷焉。晉氏之後。南北更王。或建置有初。或評論靡決。名稱之際。因革或殊。經制之方。損益小異。訖于隋室。復有義倉。社倉之名。唐祚延久。條式咸著。朱梁五代。干戈未息。楊旌奏議。亦頗及之。原其立法之意。誠以均節貨幣之高下。防虞稼穡之豐歉。調盈虛而御國用。謹聚散而濟民命。管子所謂多則賤。寡則貴。散則輕。聚則重。其得治財之術哉。夫為邦者。不可以不務也。西漢會要宣帝即位。穀石至五錢。農民少利。時大司農中丞景壽昌奏言故事。歲漕關東粟四百萬斛。以給京師。用卒六萬人。宜糶三輔弘農河東上黨太原郡。穀足供京師。可以省關東漕卒過半。蕭望之奏。壽昌未足。倖上不聽。事果便。壽昌遂白令邊郡皆築倉。以穀賤時。增其價而

糴以利農。貴時減其價而糴。名曰常平倉。民便之。帝廼下詔。賜壽昌爵關內侯。食貨志。按宣紀。五鳳四年。設常平倉。趙充國傳。充國曰。金城湟中。穀

斛八錢。吾謂景中丞糴三百萬斛。羌人不敢動矣。中丞請糴百萬斛。乃得四十萬斛耳。失此二策。羌故敢為逆。充國傳。西漢書。酷吏傳。嚴延年為河

南太守。府丞義道。司農中丞耿壽昌。為常平倉利百姓。延年曰。丞相御史不知為也。當避位去。壽昌安得權此。師古曰。作此倉。非奇異之功也。公卿

不知為之。是曠官也。而壽昌安得擅此。以為權乎。西漢書。食貨志。元帝即位。天下大水。民多餓死。人相食。諸儒多言可罷常平倉。帝從其議。食貨志

按紀初元五年。罷常平倉。東漢書。劉般傳。永平年間。帝欲置常平倉。公卿議者多以為便。般對以常平倉外有利民之名。而內實侵剝百姓。豪右因

緣為姦。小民不能得其平。置之不便。帝乃止。山堂考索。永平五年。又作常平倉。續後漢書。杜預傳。時匈奴師劉猛舉兵反。自并州西及河東平陽。

詔杜預以散侯定計省闕。俄拜度支尚書。預乃奏立籍田。建安邊論。與常平倉。定穀價。較鹽運。制課調。上皆納焉。冊府元龜。晉武帝紀。泰始四年。立

常平倉。豐則糴。儉則賣。以利百姓。咸寧二年。起常平倉於東西市。宋沈曇慶為右丞。時歲有水旱。曇慶議立常平倉以救民急。太祖納其言。而事

不行。通志略晉武帝欲平一江表。時穀賤而布帛貴。帝立平糴法。用布帛市穀。以為糧儲。四年乃立常平倉。豐則糴。儉則糶。以利百姓。宋文帝元嘉中。三吳水潦。穀貴人飢。彭城王義康立議。以東土災荒。人稠穀踊。富商蓄米。日成其價。宜班下所在。隱其虛實。令蓄積之家。聽留一年儲。餘皆勒便糶。貨為制平價。此所謂常道行於百世。權宜用於一時也。又緣淮歲豐。邑地沃壤。麥既已登。黍粟行就可折。其估賦。仍就交市。三吳飢人。即以貸給。使強壯轉運。以贍老弱。未盡施行。人賴之矣。冊府元龜南齊永明中。天下米穀布帛賤。武帝欲置常平倉。市積為儲。六年下詔。兼尚書右丞李珪之等參議。出上庫錢五千萬。於京師市米。買綵。綿。綾。絹。布。楊州出錢千九百一十萬。南滁州二百萬。各於郡所市糶。南豫州二百萬。市綵。綿。綾。絹。布。米。菽。麥。江州五百萬。市米。胡麻。荊州五百萬。郢州三百萬。皆市絹。布。米。大豆。大胡麻。荊州米兼粳粟。湖州二百萬。市米。布。蠟。司州二百五十萬。西豫州二百五十萬。南兖州二百五十萬。雍州五百萬。皆市絹。綿。布。米。南兖州兼大麥。大豆。使臺傳。並於所在市易。後魏孝文太和十二年。詔群臣求安民之術。有司上言。請折州郡常調九分之二。京都度支歲用之餘。各立官司。豐年糶貯於倉。時儉則加私之一糶之於民。如此民必相力田。以



買絹積財。以取官粟。年登則常積。歲凶則直給。帝覽而善之。尋施行焉。自此公私豐贍。雖時有水旱不為患也。二十年十二月。置常平倉。東魏孝靜

天平。中常調之外。遂於豐稔之處。折絹羅粟。以充國儲。於諸州緣河津濟。皆官倉貯積。以擬漕運。自是之後。倉庫廩之實。雖有水旱凶飢之處。皆仰

開倉以振元元之衆。後周太祖初為魏相。創制司倉。掌辦九穀之物。以量國用。國用足。蓄其餘以待凶荒。不足則止餘用。用足則以粟貸人。春頒之。

秋歛之。開皇三年。陝州置常平倉。京師置常平監。仁壽二年九月。置常平官。唐高祖武德元年。置常平監。五年廢之。唐志曰。倉部以常平備凶。置

令丞監事。出山堂考索。太宗貞觀十三年十二月十四日。詔於洛相。幽

徐齊并秦蒲等州。置常平倉。粟藏九年。米藏五年。下濕之地。粟五年。米三

年。著于令。見會要。高宗永徽六年。大雨。道路不通。京師米價暴貴。出倉

粟糶之。京師東西二里。置常平倉。舊唐書。顯慶二年十二月三日。京西

常平倉置。常平置官負。玄宗開元二年九月。詔曰。天下諸州。今年稍熟。

穀價全賤。或慮傷農。常平之法。行自往古。苟絕欺詐。利益寔多。宜令諸州

加時價三兩錢。糶不得抑絀。仍交相付領。勿許懸欠。蠶麥時熟。穀未必貴。

即令減價出糶。豆等堪貯。熟者亦宜准此。以時出入。務在利人。江嶺淮浙

劔南地皆下濕不堪貯積。不在此例。其常平所須錢物。宜令所司支料奏聞。並委長官專知。改任日遞相付受。且以天災流行。國家代有。若無糧儲之備。必致飢饉之憂。縣令親入風俗所繫。宜隨當處豐約。勸課百姓。未辦三載之糧。且貯一年之食。每家別為倉窖。非蚕忙農要之時。勿許破用。仍委刺史及按察使檢校覺察。不得容其矯妄。舊唐書食貨志。開元七年六月。勅關內。隴右。河南。河北。五道。及荆。揚。襄。夔。綿。益。彭。蜀。漢。劔。茂等州。並置常平倉。其本。上州三千貫。中州二千貫。下州一千貫。每糶具本利與正倉帳同申。天寶間。天下常平倉糧總四百六十萬二千二百二十五石。唐會要。玄宗開元十年九月十五日。廢河陽栢崖垣縣等倉。十六年十月二日。勅。自今歲普熟。穀價至賤。必恐傷農。加錢收糶。以實倉廩。縱逢水旱。不慮阻飢。公私之間。或亦為便。宜令所在以常平本賤及當處物。各於時價上。量加三錢。百姓有難易者收糶。事須兩和。不得限數配糶。訖具所用錢物及所收糶得物數。具申所司。仍令上佐一人專司當。冊府元龜。開元二十九年。制曰。本置倉儲用防水旱。朕每念黎庶常憂匱乏。承前有遺損之州。皆待奏報。然始賑給。近年亦分命使臣與州縣相知處置。尚慮道路應遠。往復淹滯。以此恤人。何救懸絕。自今已後。若有損處。應須賑給。宜令州縣長

官與採訪使勘會量事給乞奏聞。朕當重遣使臣宣慰按覆。新唐書宇文融傳。宇文融下詔以客賦所在。並建常平倉。益貯九穀。權發歛。官司勸作農社。使貧富相恤。凡農月。州縣常務一切罷省。使趁刈獲。唐會要。廣德二年正月二十五日。第五琦奏。每州置常平倉及庫使司。商量置本錢。隨當處米物時價。賤則加價收糴。貴則減價糶賣。新唐書韋丹傳。宙為永州刺史。州負嶺轉餉艱險。每饑。人輒莩死。宙始築常平倉。收穀羨餘以待之。冊府元龜德宗建中元年七月。勅。夫常平者。常使穀價如一。大豐不為之減。大儉不為之加。雖遇災荒。人無菜色。自今已後。忽米價貴時。宜量出官米十萬石。麥十萬石。每日量付兩市行人。下價糶貨。三年九月。戶部侍郎趙贊上言曰。伏以舊制置儲粟。名曰常平。軍興已來。此事浸廢。因循未舉。垂三十年。其間或因凶荒流散。餓死相食者。不可勝紀。古者平準之法。使萬室之邑。必有萬鍾之藏。千室之邑。必有千鍾之藏。春以奉耕。夏以奉耘。雖有大賈富家。不得豪奪吾人者。蓋謂能行輕重之法也。自陛下登極以來。許京城兩市置常平。官糶鹽米。雖經頻年少雨。米價不復騰貴。此乃即日明驗。實要推而廣之。當軍興之時。與承平或異。事須兼儲布帛。以備時須。臣今商量請於兩都。并江陵成都揚汴蘇洪等州府。各置常平。輕重